




ՍՏԵՓԱՆ ՕՀԱՆՋԱՆԻ ԿԱՄԱՐԱԿԱՆԻ ԾՆՆԴՅԱՆ
ՀԱՐՅՈՒՐԱՄՅԱԿԸ
(1873—1973)

Լրացավ 1945—1955 թթ. Գերագույն
հոգևոր խորհրդի անդամ, անվանի գյու-
ղատնտես և մանկավարժ Ստեփան Օհան-
ջանի Կամսարականի ծննդյան 100-ամյա-
կը:



Ս. Կամսարականը ծնվել է 1873 թվա-
կանի մայիսի 31-ին Սուրմալու գավառի
Բլուր գյուղում: Նա իր սկզբնական կրթու-
թյունը ստացել է Իգդիրի տարրական դըպ-
րոցում, միջնակարգը՝ Երևանի գիմնազիա-
յում: Այնուհետև նա ընդունվում է և 1899 թը-
վականին ավարտում Մոսկվայի Պետրովս-

կու անվան գյուղատնտեսական և անտա-
ռային ինստիտուտը, իսկ 1912 թվականին,
ներկայացնելով «Երևանյան նահանգի հո-
ղային հարկադրումը» թեմայով դիսերտա-
ցիոն աշխատանքը՝ ստանում է գիտնական
գյուղատնտեսի աստիճան:

1902—1916 թվականներին Ս. Կամսա-
րականն աշխատել է Ռուսաստանի և Ան-
դրբլկովկասի մի շարք մարզերում և նա-
հանգներում՝ վարելով սկզբում գավառային
գյուղատնտեսի և ապա նահանգային գյու-
ղատնտեսի պաշտոնները:

1916—1920 թվականներին Ս. Կամսա-
րականը աշխատում է Երևանում՝ վարելով
Երևանի նահանգի և Ղարսի մարզի երկրա-
գործության ու պետական հողային գույքերի
վարչության պետի, ապա նույն վարչության
գլխավոր կառավարչի պաշտոնները:

1920 թվականի դեկտեմբերի 2-ին Ս.
Կամսարականը նշանակվում է Հայաստանի
հողագործության ժողովրդական կոմիսարի
տեղակալ, իսկ 1921 թվականին՝ հողագոր-
ծության ժողովրդական կոմիսար: Նույն
թվականին Ս. Կամսարականը գործողվում
է Թիֆլիս՝ մասնակցելու անդրկովկասյան
հանրապետությունների սահմանագծերի
հաստատման աշխատանքներին:

Այնուհետև նա 1922—1924 թվականնե-
րին վարում է պատասխանատու զանազան
պաշտոններ իր մասնագիտության գծով:
1924 թվականից մինչև 1931 թվականը եղել
է ՀՍԽՀ Պետպլանի գյուղատնտեսական

մասնաճյուղի նախագահ, Պետականի նախագահության անդամ և գիտական խորհրդատու:

Ս. Կամսարականը Հայաստանում ծավալել է նաև մանկավարժական գործունեություն. դասախոսել է Երևանի պետական համալսարանում, նաև գյուղատնտեսական ինստիտուտում՝ ղեկավարելով միաժամանակ ընդհանուր երկրագործության, բուսականագործության և տեխնիկական կուլտուրաների ամբիոնի աշխատանքները:

1929 թվականից մինչև 1930 թվականը Ս. Կամսարականը եղել է Հայաստանի Կենտրոնական գործադիր կոմիտեի անդամ: Նա աշխատակցել է զանազան հանդեսների և ամսագրերի: Նրա գրչին են պատկանում մասնագիտական բազմաթիվ աշխատություններ, այդ թվում և մենագրություններ:

1938 թվականից ի վեր, իր կյանքի վերջին շրջանում, Ս. Կամսարականն աշխատում էր գիտությունների ակադեմիայի երկրաբանության ինստիտուտում որպես գիտական աշխատող և ղեկավարում էր գրադարանի աշխատանքները:

Իր 60-ամյա պաշտոնավարության ընթացքում Ս. Կամսարականը իրեն դրսևորել

է որպես բազմակողմանի գիտելիքների տեր և գործունյա մասնագետ: Նա օժտված էր կազմակերպչական մեծ ունակությամբ, ջերմ հայրենասեր էր և միշտ կանգնած իր ժողովրդի շահերի պաշտպանության դիրքերում:

1945 թվականի հունիսին Մայր Աթոռում գումարված ազգային-եկեղեցական ժողովը Ս. Կամսարականին ընտրում է Գերագույն հոգևոր խորհրդի անդամ: Հանգուցյալն իր սրտագին մասնակցությունն է բերել Գևորգ Զ կաթողիկոսի եկեղեցանվեր, հայրենաշեն գործունեությանը 1945—1954 թվականներին, որպես Գերագույն հոգևոր խորհրդի անդամ:

1955 թվականի սեպտեմբերին ս. էջմիածնում գումարված ազգային-եկեղեցական ժողովը, Տ. Տ. Վազգեն Ա Ամենայն Հայոց Հայրապետի ընտրությունից հետո, երբ վերականգնում է Գերագույն հոգևոր խորհրդի կազմը՝ նկատի ունենալով Մայր Աթոռի հանդեպ Ս. Կամսարականի նվիրվածությունը, նրան ընտրում է Գերագույն հոգևոր խորհրդի պատվավոր անդամ:

Ս. Կամսարականը վախճանվում է 1955 թվականի հոկտեմբերի 16-ին, 82 տարեկան հասակում:

